

# 醜小鴨 與黑小兔劇場

## 故事主題

朋友，在一起玩樂時，倍添歡欣；在遇上困難時，就是互相扶持與幫助。

醜小鴨迷路與家人失散，遇上仗義的黑小兔，大家結伴尋路回家，路上有歡笑，亦有驚險。一起經歷好與壞，才鑄造成真實堅固的友誼。



## 活動建議

- 可以讓學生個別或分組扮演一個角色，互相對答。
- 學生按組別一起扮演個別的角色，可以使全班同學都能一起參與，即使較被動的孩子也能參與其中。最後再按組別挑選一個學生出來代表，一起表演整套場景。
- 活動前可做熱身活動，例如引導孩子模仿鴨仔的叫聲及拍翼動作，先激活孩子發聲及肢體活動，以便放鬆投入。
- 在活動總結時，可以向學生發問，激發思考主題內容。

## 角色表



### 醜小鴨

全身是灰色的毛，設法想與家人有一樣的黃色羽毛，卻因此迷了路



### 黑小兔

開朗，有勇氣，仗義陪伴醜小鴨回家



### 大野狼

兇殘，獵食小動物

醜小鴨  
與黑小兔劇場

# 場景一 相遇




醜小鴨  
與黑小兔劇場

# 場景一 相遇




情緒： 開心+不開心+憐憫


旁白： 啦...啦...啦...，嘍，邊個咁開心喺度唱歌呢？有隻黑蚊蚊既小動物行緊嚟嗚，啊，原來係黑小兔呀。

 黑小兔： 啦...啦...啦...食飽飽，好開心，啦...啦...啦...  
(好輕鬆地哼著歌)


旁白： 佢沿路見到D靚既花，都會同佢地打招呼。


 黑小兔： 哈囉...花花你好...哈囉...哈囉...

旁白： 佢仲當山路係滑梯咁玩嘍


 黑小兔： 嘩，Wee.....好刺激呀！  
(開心地)


旁白： 突然，佢見到一隻鴨仔喺花叢入面，佢喺度喊呀！


 黑小兔： 鴨仔，你點解喺度喊呀？

 醜小鴨： 嗚...嗚...我盪失路，同屋企人失散咗呀！  
(傷心地)

 黑小兔： 點解會咁既？

 醜小鴨： 因為我屋企人D羽毛都係黃色，但係我既就係灰色，我好想同佢咁一樣係黃色。我試過用花粉染色唔得，用枯葉扮又唔得，D色好快就甩咗啦，唔覺唔覺仲同屋企人失散咗添，嗚...嗚...

 黑小兔： 唔駛驚！有我！我陪你搵返D屋企人啦！  
(拍下心口)

 醜小鴨： 多謝妳陪我呀，黑小兔！  
(停止哭聲，好感激)

旁白： 於是，醜小鴨同黑小兔就一齊出發去搵屋企人啦。

醜小鴨  
與黑小兔劇場

## 場景二 大戰野狼



醜小鴨  
與黑小兔劇場

## 場景二 大戰野狼



情緒： 驚恐+勇敢

旁白： 醜小鴨陪住黑小兔返屋企，喺路上，佢地有講有笑，又一齊玩，一齊分享食物，但原來有一隻大野狼已經跟住佢地呀。



大野狼： 呀...有隻鴨仔同兔仔嘍，佢地肥嘟嘟咁，一定好好味啦，等我捉住佢哋先。  
(好好既樣)(撲出)



黑小兔： 弊啦，有隻大野狼呀！



醜小鴨： 嘩！佢個樣好惡呀！D牙仲好尖呀！



黑小兔： 快D走啦！  
(醜小鴨與黑小兔狂奔)



大野狼： 想走？無咁易！我追！

旁白： 好危險呀！大野狼走得好快，醜小鴨同黑小兔就快畀佢追到啦！就係呢個時候.....



黑小兔： 哼！等我用腳大力踢走隻狼！



大野狼： 哎吔！  
(痛到大喊)

旁白： 大野狼痛到跌喺地，醜小鴨同黑小兔就乘機走甩咗啦！Yeah！

醜小鴨  
與黑小兔劇場



## 啟發問題



1. 你最喜歡一起玩的朋友是哪一個？
2. 有否曾經遇過困難，朋友幫過你或你幫過他？
3. 你認為最好的朋友是怎樣？

溫馨提示：好朋友是能共同經歷不同的事，無論是開心時，不開心時，都是能在一起的。

醜小鴨  
與黑小兔劇場